

Broj: 7-11-015

Sarajevo, 7.11.2015.

Poštovana/i,

Pozivamo Vas na Okrugli sto na temu „ **Pravna i socijalna sigurnost**“ - osoba starije životne dobi u lokalnoj zajednici; **Politike, programi i strategije za pozitivne promjene.**

Projekat se realizuje u saradnji sa Fondacijom Heinrich Beell Stiftung BiH.

Okrugli sto će se održati u Brčkom 13. 11. 2015. godine u Grand Hotelu „POSAVINA“ ul. Trg mladih br.4 ., sa početkom u 11 sati.

Cilj Okruglog stola je otvaranje društvenog i političkog dijaloga o prisutnim praksama ali i mogućim pravcima zajedničkog djelovanja svih aktera društva na suzbijanju diskriminacije u ostvarivanju ljudskih prava na pravnu i socijalnu sigurnost socijalnoisključenih osoba u svjetlu domaćeg zakonodavstva i međunarodnih standarda.

Naime, činjenica je da neadekvatna socijalna politika ima za posljedicu socijalnu nesigurnost građana i građanki BiH, jer evidentirani broj socijalno isključenih osoba i osoba sa nedefinisanim radno-pravnim statusom potvrđuje takve tvrdnje. Neuspostavljanje konzistentnog, pravednog i održivog razvojnog sistema u socijalnom sektoru, koji bi zadovoljio potrebe ljudi, a ujedno bio usklađen sa standardima koje propisuju međunarodne konvencije za zaštitu ljudskih prava, direktno vodi povećanju siromaštva u BiH.

Ovome doprinose nedovoljno osmišljene prakse raspodjela budžetskih sredstava kao i nedostatak javnog novca za ostvarivanje zakonima utvrđenih socijalnih prava. Također, ne treba izgubiti iz vida veliku grupaciju “specifičnih kategorija” uvedenih u socijalna prava, bez transparentnosti i primjenjenih kriterija, što još više usložnjava i povećava socijalnu nesigurnost i vodi ka većem siromaštvu.

Stoga je važno da učesnici Okruglog stola pokušaju ukazati na moguće modalitete i načine iznalaženja rješenja, kako bi se animirale političke stranke i političari, izvršna i zakonodavna vlast ali i cijela zajednica u stvaranju okruženja za poboljšavanje relevantnih zakona i politika za **ostvarivanje pravne i socijalne sigurnosti** građanki i građana a posebno socijalno isključenih osoba i osoba sa nedefinisanim radno-pravnim statusom.

U očekivanju Vašeg prisustva i aktivnog učešća,

Iskreni pozdravi

Živica Abadžić, predsjednica

U prilogu:

1. Program rada Okruglog stola
2. Spisak pozvanih
3. Prijava o prisustvu